



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Thomæ A Kempis Can. Reg. S. Augustini. De Imitatione Christi Libri Quatuor

Thomas <von Kempen>

Augustæ Vindel., 1772

Caput II. Quod magna bonitas & charitas Dei in Sacramento exhibetur  
homini.

[urn:nbn:de:hbz:466:1-45780](https://nbn-resolving.org/urn:nbn:de:hbz:466:1-45780)

gratia, & dilectio Dei ad hominem,  
quanto latius est sacra communio  
diffusa per orbem.

Gratias tibi Jesu bone, pastor  
æterne, quia nos pauperes & exu-  
les dignatus es pretioso Corpore &  
Sanguine tuo reficere: & ad hæc  
mysteria percipienda, etiam proprii  
oris tui alloquio invitare, dicendo:  
*Venite ad me omnes, qui laboratis &  
onerati estis, & ego reficiam vos.*

## CAPUT II.

*Quod magna bonitas & charitas Dei  
in Sacramento exhibetur homini.*

### VOX DISCIPULI.

**S**uper bonitate tua, & magna  
misericordia tua Domine con-  
fusus accedo æger ad salvatorem,  
esuriens & sitiens ad fontem vitæ,  
egenus ad Regem cæli, servus ad  
Dominum, creatura ad Creatorem,  
desolatus ad meum pium Consolato-  
rem.

T 3

Sed



Sed unde hoc mihi, ut venias ad me? quis ego sum, ut præstes mihi teipsum?

Quomodo audet peccator coram te apparere? & tu quomodo dignaris ad peccatorum venire.

Tu nosti servum tuum, & scis, quia nihil boni in se habet, unde hoc illi præstes.

Confiteor igitur vilitatem meam; agnosco tuam bonitatem, laudo pietatem, & gratias ago propter nimiam charitatem.

Propter temetipsum enim hoc facis, non propter mea merita: ut bonitas tua mihi magis innotescat, charitas amplior ingeratur, & humilitas perfectius commendetur.

Quia ergo tibi hoc placet, & tu sic fieri iussisti, placet & mihi dignatio tua; & utinam iniquitas mea non obfistat!

2. O dulcissime & benignissime Jesu, quanta tibi reverentia & gratiarum actio cum perpetua laude,

pro



pro susceptione sacri Corporis tui debetur, cujus dignitatem nullus hominum explicare potens invenitur!

Sed quid cogitabo in hac Communionem, in accessu ad Dominum meum, quem debite venerari nequeo, & tamen devote suscipere desidero?

Quid cogitabo melius & salubrius, nisi meipsum totaliter humiliando coram te, & tuam infinitam bonitatem exaltando super me?

Laudo te, Deus meus, & exalto in æternum. Despicio me, & subijicio tibi, in profundum vilitatis meæ.

3. Ecce tu Sanctus Sanctorum, & ego sordes peccatorum.

Ecce tu inclinas te ad me, qui non sum dignus ad te respicere.

Ecce tu venis ad me, tu vis esse mecum, tu invitas ad convivium tuum.

Tu mihi dare vis cœlestem cibum, & panem Angelorum ad manducandum: non alium sane, quam teipsum,



sum, panem vivum, qui de caelo descendisti, & das vitam mundo.

4. Ecce, unde dilectio procedit, qualis dignatio illucescit! quam magnæ gratiarum actiones & laudes tibi pro his debentur!

O quam salutare & utile consilium tuum, cum istud instituisti! quam suave & jucundum convivium, cum teipsum in cibum donasti!

O quam admirabilis operatio tua Domine! quam potens virtus tua! quam ineffabilis veritas tua!

Dixisti enim, & facta sunt omnia: & hoc factum est, quod ipse iussisti.

5. Mira res, & fide digna, ac humanum vincens intellectum: quod tu, Domine Deus meus, verus Deus & homo sub modica specie panis & vini integer contineris, & sine consumptione a fumente manducaris.

Tu Domine universorum, qui nullius habes indigentiam, voluisti per Sacramentum tuum habitare in nobis: conserva cor meum & corpus  
imma-



immaculatum: ut læta & pura conscientia sæpius valeam tua celebrare mysteria: & ad meam perpetuam accipere salutem; quæ ad tuum præcipue honorem, & memoriale perenne sanxisti, & instituisti.

6. Lætare anima mea, & gratias age Deo pro tam nobili munere & solatio singulari, in hac lacrymarum valle tibi relicto.

Nam quoties hoc mysterium recolis, & Christi Corpus accipis: toties tuæ redemptionis opus agis, & particeps omnium meritorum Christi efficieris.

Charitas etenim Christi numquam minuitur, & magnitudo propitiationis ejus numquam exhauritur.

Ideo nova semper mentis renovatione ad hoc disponere te debes, & magnum salutis mysterium attendente consideratione pensare.

Ita magnum, novum, & jucundum tibi videri debet, cum celebras, aut Missam audis; ac si eodem die



Christus primum in uterum Virginis descendens, homo factus esset; aut in cruce pendens pro salute hominum pateretur, & moreretur.

## CAPUT III.

*Quod utile sit sæpe communicare.*

## VOX DISCIPULI.

I. **E**cce! ego ad te venio Domine, ut bene mihi sit ex munere tuo, & lætificer in convivio sancto tuo, quod parasti in dulcedine tua pauperi Deus.

Ecce! in te est totum, quod desiderare possum & debeo; tu salus mea & redemptio, spes, fortitudo, decus & gloria.

*Lætifica ergo hodie animam servi tui, quoniam ad te Domine Jesu animam levavi.*

Desidero te nunc devote ac reverenter suscipere; cupio te in domum meam introducere, quatenus cum Zachæo merear a te benedici, ac inter filios Abrahæ computari.

Ani-